



Gabinete de prensa: Rúa Touro nº 21, 1º andar, 15704. Compostela
981 554 147 / 649 541 773 / prensa@sindicatolabrego.com

Nota de prensa
do SLG

23-09-2008

VENRES 26 de SETEMBRO Xornada Reivindicativa do Produto Caseiro Fresco ou Transformado

A Consellería do Medio Rural está elaborando o borrador do *Decreto polo que se regula a artesanía alimentaria en Galiza*, no que se incúe o regulamento do produto caseiro.

No Sindicato Labrego Galego, entendemos que este é un momento clave para as labregas e labregos do País, xa que dependendo de como sexan as normas que estableza este decreto, no futuro as explotacións poderemos vender normalmente o noso produto caseiro ou perder definitivamente este dereito, como aconteceu no seu día coa augardente (iso si, no canto da augardente caseira, apareceu legalmente a producida por empresas).

Hoxe, máis ca nunca, cando o neoliberalismo pretende controlar e uniformizar as culturas alimentarias en todo o mundo, e someter á cidadanía produtora e consumidora aos seus intereses exclusivos; cando os gobernos inclinan máis e máis a balanza para favorecer este control, é necesario que a cidadanía defendamos os produtos caseiros como un patrimonio do pobo galego.

A regulación do produto caseiro trascende ao ámbito produtivo-labrego, repercutindo nas nosas opcións como consumidoras/es e supoñendo a regulación dunha das características máis intrínsecas da Galiza, nomeadamente a posibilidade de acceder a unha alimentación de calidade baseada en produtos do País e o mantemento da distribución dos produtos das nosas explotacións en circuitos de mercado ceibes da perigosa especulación alimentar que estamos a sufrir na actualidade.

Na actualidade, cando o produto caseiro é producido e distribuído polas grandes multinacionais da alimentación, este pasa a engrosar a lista dos produtos alimentares de alta gama, co que somentes accede a este tipo de alimentación de calidade as familias cun maior poder adquisitivo.

Habida conta da manipulación á que están sometidos o meirande dos alimentos distribuídos polas grandes cadeas de alimentación (transxénicos, pesticidas, ceras...), cuxos

prezos baixos son reclamo para o meirande da sociedade, **o acceso ao produto caseiro é un privilexio que vai máis aló do sabor do produto**, é unha **garantía de saúde** que non podemos perder. **As persoas temos que poder ter á nosa disposición o produto caseiro.**

Programa de Actividades

Nesta xornada participarán veterinarios, veterinarias, labregos e labregas de outros estados, o que nos permitirán saber cal é a realidade do caseiro nestes lugares. Darase a coñecer tamén o decreto que está elaborando a Consellaría do Medio Rural.

Ao mesmo tempo e no exterior do local no que se farán as charlas, organizamos un mercado de produto caseiro fresco e transformado. Tamén levaremos a cabo un xantar con produtos caseiros.

VENRES 26 SEPTEMBRO	DENDE AS 10:00 ATÉ AS 17:30	ÁREA CENTRAL SANTIAGO DE COMPOSTELA
---------------------------	--------------------------------------	---

Convidámosvos a participar nesta iniciativa, tanto dende a perspectiva labrega como de cidadanía interesada en manter este patrimonio que temos e que, aínda hoxe, **permite que un grande número de persoas, sobre todo mulleres, poidan vivir nunha explotación agraria na Galiza.**

■ Compre impedir que a lexislación lle permita ás empresas transformadoras **apropiarse do prestixio que ten o produto caseiro** grazas ao noso saber facer, e tamén temos que impedir que se legalice que as empresas poidan elaborar e vender un falso caseiro, pois **o caseiro só pode ser feito por nós e nas nosas casas.**

Moitas grazas pela vosa atención.

Saúdas do Gabinete de Comunicación do **Sindicato Labrego Galego**

OBTERÁN MÁIS INFORMACIÓN CONTACTANDO CON

Ana Rodríguez Vázquez, Secretaría de Desenvolvemento Rural do SLG,

Tif: 659 057 251